



## Stöðuskýrsla – Jarðhræringar á Reykjanesi

Dagsetning:	30. desember 2023	Stig:	Hættustig
Tekið saman af:	Dagbjartur Kr. Brynjarsson		
Netfang:	<a href="mailto:dagbjartur@ferdamalastofa.is">dagbjartur@ferdamalastofa.is</a>	Sími:	659 9099

Föstudaginn 29. Desember gaf veðurstofan út nýtt hættumat fyrir svæðið í kringum Grindavík og Svatsengi.

### Upplýsingar frá Almannavörnum

#### Uppfært 30. desember

#### AUKNAR LÍKUR Á ELDGOSI

Veðurstofan gaf í gær út nýtt hættumatskort, þar kom fram að þrátt fyrir að staðan í Grindavík og Svartsengi sé metin með sama hætti og í fyrra korti þ.e. „Töluverð hætta“ þá hefur hættan aukist. Á bakvið hættumatskort Veðurstofunnar eru töluleg gildi sem meta hættuna hverju sinni. Þau gildi hafa hækkað frá fyrra hættumatskorti en ekki nóg til að hækka þessi tvö svæði sem Grindavík og Svartsengi eru í, um flokk.

Líkt og fram hefur komið eru auknar líkur á eldgosi. Lögreglustjórinn á Suðurnesjum hefur ákveðið að banna ekki dvöl í Grindavík en leggst gegn því engu að síður. Almannavarnadeild ríkislögreglustjóra tekur undir þau sjónarmið og hvetur Grindavíkinga að leita allra leiða til að dvelja ekki í bænum fram yfir áramót.

Eins og áður þá er staðan endurmetin á hverjum degi en ekkert bendir til annars en að hætta á eldgosi hafi aukist.

### Upplýsingar frá Lögreglustjóranum á Suðurnesjum.

#### Uppfært 30. desember

Landris heldur áfram við Svartsengi. Auknar líkur eru á eldgosi norðan Grindavíkur.

Veðurstofa Íslands gaf út nýtt hættumatskort í gær sem gildir til 5. janúar að öllu óbreyttu. Samkvæmt núgildandi hættumatskorti Veðurstofu Íslands er í Grindavík töluverð hætta á jarðskjálftum, sprungum, sprunguhreyfingum, hraunflæði og gosmengun.

Íbúum Grindavíkur er áfram heimilt að fara og dvelja heima hjá sér þar til breytingar á hættumatskorti gefa tilefnis til annars, sem gæti gerst með skömmum fyrirvara. Þó ráðleggur lögreglustjóri íbúum frá því að dvelja í bænum við núverandi aðstæður.

Sérstaklega er ítrekað að;

Eldgos getur hafist í nágrenni Grindavíkur með stuttum fyrirvara.

Erfitt getur reynst að tryggja öryggi þeirra sem dvelja eða gista inni á hættusvæði. Þeir sem fara inn á merkt hættusvæði gera það á eigin ábyrgð.



Björgunarsveitir sinna útköllum með venjubundnum hætti. Kallið eftir aðstoð með því að hringja í 112.

Hefjist gos í eða við Grindavík verða send út sms skilaboð á gsm síma inn á svæðinu með þessum texta: RÝMING RÝMING! Yfirgefið svæðið hratt og örugglega, hringið í 112 ef ykkur vantar aðstoð. RÝMING RÝMING ..... EVACUATE! Leave the area quickly and safely, call 112 if you need help.

Lögregla sinnir eftirliti í og við Grindavík eins og verið hefur allan sólarhringinn.

Liðsmenn björgunarsveitarinnar í Grindavík eru dreifðir um landið og ekki til staðar í bænum.

Mögulegar flóttaleiðir: Nesvegur, Suðurstrandarvegur, Grindavíkurvegur.

### **Uppfært 27. desember kl 11:00**

Landris heldur áfram við Svartsengi.

Hættumatskort Veðurstofu Íslands hefur gildistíma til kl. 18:00 þann 29. desember.

Samkvæmt núgildandi hættumatskorti Veðurstofu Íslands er í Grindavík töluverð hættu á jarðskjálftum, sprungum og sprunguhreyfingum. Íbúum Grindavíkur er áfram heimilt að fara og dvelja heima hjá sér þar til breytingar á hættumatskorti gefa tilefnis til annars, sem gæti gerst með skömmum fyrirvara.

### **Sérstaklega er þó ítrekað að;**

Eldgos getur hafist nágrenni Grindavíkur með stuttum fyrirvara.

Erfitt getur reynst að tryggja öryggi þeirra sem dvelja eða gista inni á hættusvæði. Þeir sem fara inn á merkt hættusvæði gera það á eigin ábyrgð.

Viðbragð björgunarsveita er áfram skert. Engin björgunarsveit verður í Grindavík.

Kallið eftir aðstoð með því að hringja í 112.

Hefjist gos í eða við Grindavík verða send út sms skilaboð á gsm síma inn á svæðinu með þessum texta: RÝMING RÝMING! Yfirgefið svæðið hratt og örugglega, hringið í 112 ef ykkur vantar aðstoð. RÝMING RÝMING ..... EVACUATE! Leave the area quickly and safely, call 112 if you need help.

Lögregla sinnir eftirliti í og við Grindavík eins og verið hefur allan sólarhringinn.

Liðsmenn björgunarsveitarinnar í Grindavík eru dreifðir um landið og ekki til staðar í bænum.

Mögulegar flóttaleiðir: Nesvegur, Suðurstrandarvegur, Grindavíkurvegur.

### **Frá Ferðamálastofu**

#### **Uppfært 29. desember**

Tekið skal fram að skýrsluritari gleymdi að minnast á aðkomu Áfangastaðinn Reykjanes að fjölmiðlasetri í síðustu stöðuskýrslu en tekið skal fram að þau hafa tekin fullan þátt í að koma upp fréttamannasetrinu.

Þó svo að fjölmiðlasetrinu hafi verið lokað þann 23. desember þá er allt tilbúið á staðnum komi til þess að opna þurfi aftur. Tekin verður ákvörðun um að loka endanlega eftir áramót.

#### **Uppfært 27. desember**



Þann 20. desember opnaði Ferðamálastofa ásamt Almannavörnum, Íslandsstofu og Safetravel fjölmiðlasetur fyrir erlenda fréttamenn, að Hringhelli 9a. Fjölmiðlasetrið var strax vel nýtt af fjölmörgum fjölmiðlateymum og var setrið í sambandi við um það bil 50 fjölmiðlateymi víðs vegar frá. Þann 23. desember var fjölmiðlasetrið svo fært yfir í vöktun á netfanginu [press@itb.is](mailto:press@itb.is). Það netfang verður vaktað áfram og munum við styðja við þær beiðnir sem koma þangað.

Frekari upplýsingar veitir Dagbjartur í [dagbjartur@ferdamalastofa.is](mailto:dagbjartur@ferdamalastofa.is) eða 6599099

